

# ATM perlu aset moden dan latihan berterusan - PM

Oleh **NURUL IRDINA SUMALI**  
irdina.sumali@mediamulia.com.my

**PETALING JAYA:** Datuk Seri Anwar Ibrahim berkata, kerajaan akan memastikan semua keperluan Angkatan Tentera Malaysia (ATM) termasuk perolehan aset moden dan latihan yang berterusan.

Menurut Perdana Menteri, langkah itu penting dalam menjamin keselamatan negara.

Tegasnya, pemodenan aset dan latihan berterusan menjadi keutamaan kerajaan dalam memastikan pasukan tersebut sentiasa bersedia menghadapi

cabaran keselamatan.

"ATM perlu sentiasa bersedia dengan aset moden dan latihan yang mencukupi dan kerajaan akan memastikan semua keperluan ini dipenuhi," katanya menerusi satu kenyataan semalam.

Terdahulu beliau berkhujang ke Pangkalan TUDM Subang untuk sesi libat urus bersama pengurusan tertinggi Kementerian Pertahanan dan ATM serta mendapatkan perkembangan terkini terkait kesiapsiagaan pertahanan negara.

Anwar berkata, soal kepimpinan dan pengurusan, keba-

jikan, kerjasama dan kebersamaan seluruh pihak turut diberi perhatian selain mengenalpasti masalah atau isu yang berbangkit dalam mencari penyelesaian tuntas.

"Saya juga meminta sinergi baharu diwujudkan supaya ekosistem penyelidikan dan pembangunan (R&D) Pertahanan terus maju ke hadapan seiring dengan perubahan dan kecanggihan teknologi dunia masa kini," ujarnya.

Pada program itu, Perdana Menteri turut beramah mesra dengan juruterbang-juruterbang yang terlibat dalam pelba-

gai acara di peringkat kebangsaan dan antarabangsa seperti sambutan Hari Kemerdekaan serta siri pameran Pameran Maritim dan Aeroangkasa Antarabangsa Langkawi (LIMA).

Beliau turut melahirkan penghargaan atas kemampuan dan keupayaan mengendalikan pesawat dengan begitu cekap dan meyakinkan.

"Ini membuktikan kemampuan anak watan dalam mengendalikan pesawat yang canggih dan moden dalam memastikan kesiapsiagaan pertahanan negara pada tahap terbaik," ujarnya.



ANWAR Ibrahim beramah mesra dengan orang ramai selepas solat Jumaat di Pangkalan TUDM Subang. Turut hadir, Menteri Pertahanan, Datuk Seri Mohamed Khalid Nordin dan Panglima Angkatan Tentera, Jeneral Datuk Mohd. Nizam Jaffar.